



似在靈林日彌勒殿之七佛前引維摩後隨但知逐隊隨邪兩路何曾點地展坐具看蓋天

蓋地無通

婺州雲黃山寶林禪寺語錄

侍者

惟俊

法雲

編

師入寺指山門不勞彈指豈涉思惟現成門戶到者

指佛殿前釋迦後彌勒且道阿那箇是正主喝一喝

拈帖尋常雲水家或疑或流初無固必因甚得者箇

入手便從者裏住試下一轉語看

諸山疏居必擇鄰鑑非止水明暗相凌言猶在耳

山門疏開著門盡是自家屋裏何須冷言冷語暗地

敲又不信聽取下文

指法座聚草積石說有談空取古尚餘一時拈却何

金

此下... 卷之... 寶林... 語錄... 惟俊... 法雲... 編

對

故別有一路子

師陸堂祝一聖畢就座云大凡善射者發必中的若  
不中的徒勞沒羽莫有善射者麼試發一箭首僧問  
不從天降不從地湧須彌山從甚處得來師云突出  
難辨僧云只將者箇直消息用祝吾皇億萬春師云  
巢和風穴知雨僧云雙橋勝所大士垂化之方應庵  
雲孫今虛堂高蹈其轍還端的也無師云誣人之罪  
以罪加之僧云爭奈是非已落傍人耳便挽天河洗  
不清師云面赤不如語直僧云只如判府直院侍郎  
請和尚住此名山有何方便師云劍握甌人手僧云  
還許學人露箇消息也無師云杜鵑啼處花狼藉僧

聚中積石併坐成道石

佛性且是所說聖

佛性且是所說聖  
佛性且是所說聖  
佛性且是所說聖  
佛性且是所說聖  
佛性且是所說聖  
佛性且是所說聖  
佛性且是所說聖  
佛性且是所說聖  
佛性且是所說聖  
佛性且是所說聖

禮拜

師乃云一絲不挂猶涉廉纖獨脫無依未為極則衲  
僧家去來不以象動靜不以心冥運無方羣機頓顯  
便見雪黃峰頂鐵樹抽枝小白花邊無風起浪處  
普門境界頭頭彌勒道場不應萬緣靈然自得直得  
堯風舜日共樂昇平樵唱漁歌咸露聖化畢竟以何  
為驗擊拂子崑莎步入祥麟穩海樹飛來白鳳閑  
復舉闍王請羅山開堂纔登座以手斂僧伽梨衣顧  
視大眾便下座王近前執山手云靈山一會何異今  
日山云將謂你是箇俗漢師云羅山當時下者一著  
不妨驚羣動衆賴遇太王是佛法中人人今日忽有又

寺

之

問新寶林只對他道將謂無人知音自然頭正尾正  
當晚小參師云往往多是向著草影邊胡卜亂卜今  
夜與諸人務破卦文了也請款款出來商量問答罷  
師乃云客是主人相師未到寶林則也一到寶林山  
僧伎倆不出諸人探頭一觀賴得堂中有一箇半箇  
鬚髮鬍鬚地是舊時相識指出行道塔風鐸亂鳴罵  
破梁寶公多口饒舌便見主賓和氣彼此無疑然雖  
如是且道慈氏宮中今日說甚麼法卓主文鋼刀雖  
利不斬無罪之人

復舉當山善慧大士因遇天竺高頭陀曰我與汝毗  
婆尸佛所發誓今兜率天宮衣鉢現在何日當還命

大士姓傅名羽法號善惠年十八納劉氏女為室生三子常見狀如金粟不空  
三如美龍來其身大善為善得首楞嚴三昧即捨田宅及妻孥賣子得錢五萬以  
法苑會遂於松山度內建樓樹寺居名曰雙林日自營作夜則行道今寶林

常

大士臨水觀形見圓光寶蓋大士謂之曰爐鞴之所  
多鈍鐵良醫之門足病人師云好笑好笑當時待他  
道請大士臨水觀形拈起門椎拍板劈背便撼尚且  
救得一半更說甚麼爐鞴鈍鐵良醫病人翻得本來  
劍去父矣山僧尋常黨理不黨親莫有為大士作主  
底麼如無夜深珍重

上堂舉晏國師示眾云鼓山門下不得咳嗽時有僧

咳嗽一聲山云作甚麼僧云傷風山云傷風即得師

云是則是採生招箭若一向與麼道絕人荒

結夏小參卓主文不必善財斂念彌勒彈指普請四

聖六友入此亦光明歲云為主伴快說禪病使瞽者

結友

住

慢商海盜易  
漢語錄卷之三第...

日聾者聽迷焉悟縛者脫於是九十之期各忘本云  
然後升雙樓堂入自研室向無星等子上較其軍輕  
以憑勞賞會麼卓主文力因唏咄咄  
復舉天平漪和尚行脚時參西院每云莫道會佛法  
頁箇舉話底也無一日西院召云從漪平舉頭院云  
錯平行三两步院又云錯平近前院云適來者兩錯  
是西院錯上座錯平云是從漪錯院云錯平休去院  
云且在者裏過夏待共上座商量者兩錯平當時起  
去後住院謂眾云我當初行脚時被風吹過思明長  
老處被他連下兩錯更留我過夏商量我不道那時  
錯發足南方時早錯了也師云慢藏誨盜盜谷誨媪

教也訓也

雙林今夏還有商量者兩錯底麼

次日上堂箇箇頂天履地為甚麼踏著二千年前底  
影子便做一動子不得莫有不踏者影子底麼卓主  
末有則有只是今日不來

謝頭首秉拂上堂以壇拜將為求活國之英以拂授  
人要見枯心之士雲黃峰下象龍所歸虛堂薄處先  
穿引得證龜作鼈

開山忌日上堂正法像法知他是幾年尚且拈弄不  
出那堪忍俊不禁山來攙行奪市既未得箇補處又  
却恁麼去是去非去卓主文露

上堂舉興化出僧問四方八面來時如何化云打甲

間底僧便禮化云昨日赴箇村齋中路一陣狂  
 風暴雨向古廟裏避得過師云興化被者僧指出無  
 刃斧子便乃高豎降旗寶林當時若見他禮拜便休  
 去何故且教者漢擔一片板空過一生  
 大士生日上堂一自嵩頭陀道破之後不出來是好  
 手無端貧時思舊債再揚家醜要見大士麼卓主文  
 空手把鋤頭步行騎水牛  
 上堂舉臺山路上有婆子九有僧問臺山路向甚麼  
 處去婆云驀直去僧纔行婆云好箇師僧便與麼去  
 趙州問得云待我去勘者婆子州到如前問婆亦如  
 前答州歸院云婆子被我勘破了也師云者婆子向

寸草不生處打箇陣子趙州不施鞞畧直欲破之及  
 乎交鋒之際又却失利道被我勘破了也大似別人  
 棺材扛歸屋裏哭莫有為趙州作主底麼卓主文勘  
 過了一道打

上堂水中鹽味色裏膠青祖師只認得箇相似底何  
 異楚人以鷄為鳳我者裏任你三頭六臂盡其來機  
 也無你湊泊處何故慣將三尺喙罵住五湖僧  
 上堂舉雲門示眾直得觸目無滯達得名身句身一  
 切法空山河大地是名名亦不可得喚作三昧性海  
 俱備猶是無風而市之波直得忘知於覺覺即佛性  
 矣喚作無事人更須知有向上一竅師云雲門大師

今日入你諸人齋體裏橫三豎四見你不覺不知乃云土曠人稀相逢者少

解夏小參僧問長期已滿布袋頭開江南江北依舊水鄉黃葉黃花無非秋色學人便與麼去時如何師云掘地深埋僧云與麼則柳栗橫擔不顧人直入千峰萬峰去師云露濕草鞋重僧云若不垂芳餌爭知碧沼深師便喝僧禮拜

師乃云一葉落天下秋認奴作即一塵起大地收猶有跡在初秋夏末直須向萬里無寸草處去乾茅引火出門便是草見人富貴常懼喜莫把心頭似火燒恁麼恁麼四路葛藤一時拈却不恁麼不恁麼九旬

功用驗在今宵十洲三島任遨遊鴈蕩天台從出沒只如雲門道還我九十日飯錢來又作麼生

復舉黃檗因臨際辭檗云甚處去際云不是河南便是河北檗便打際約住棒遂與一掌檗呵呵大笑喚侍者將百丈先師禪板拂子來際亦召侍者將火來檗云汝但將去已後坐却天下人舌頭在師云明投暗合則不無二大士爭奈久而成弊寶林有僧出辭劈脊便棒何故寧可掌上吾生終不引人落草

上堂舉雲門因僧問如何是超佛越祖之談門云胡餅師云傷弓之鳥見曲木而高飛有人見得雲門善為我

施主捨田建達磨忌上堂達磨大師恐汝諸人喫飯  
向鼻孔裏去所以得得自西天來既見得分曉了還  
復西天去今有道人劉善富路見不平捨膏腴入常  
住年年於此日設供要穿池鼻孔今當第一供且道  
者老子還來也無卓主丈金屑雖貴落眼成翳  
達磨初忌拈香破六宗之執道被五天斷二祖之疑  
光流華夏以致擊齒服毒何莫由斯休言佳影度流  
沙能耳峰前月如畫瓣香盃茗追慕遺音一念萬年  
真風不墜

上堂舉黃檗示衆汝等諸人盡是噇酒糟漢與麼行  
脚何處有今日還知大唐國裏無禪師麼時有僧出

云只如諸方匡徒領衆又作麼生檗云不道無禪只  
是無師師云箇些子說話蹉過者多真點曾道霧豹  
濯毛未嘗下食庭禽養勇終待驚人也只知其養士  
之心而不知死灰裏火蛇燒面透得親見黃檗不然  
切忌向噇酒糟漢處會去

冬至小叅僧問文殊是七佛之師因甚出女子定不  
得師云家鬼作祟僧云用明是下方聲聞因甚却出  
得師云半幅全封僧云不落因果因甚墮野狐師云  
鑿池不待月池成月自來僧云不昧因果因甚脫野  
狐師云錦包特石僧云老觀逢僧引麵時如何師云  
有錢時得鬼走僧云魯祖逢僧面壁時如何師云寸



草不生僧云學人今日小出大遇便禮拜師云臘後  
少一錘

乃云衣穿肘露戶破家殘要知否極泰來自然有時  
有節衲僧家更更做夢一日趨得一日是好手誰管  
你布衲懶洗不展卧單縱饒使得十二時贏得口邊  
生白醜寶林與麼告報只打淨潔毬子莫有和泥合  
水與物但化底麼近前來我要識你良久以王文畫  
云將成九仞之山不進一簣之土

復舉明招示眾眾纒集招云者裏風頭稍硬且歸暖  
處商量便下座眾隨至方丈招便打云纒到暖處便  
見瞌睡師云暗鳴叱咤萬人氣索則不無明招只是



夜

未見有棄甲曳兵者莫有同死同生底麼喝一喝  
次日上堂寂寥之景清白傳家纒應萬緣石人拈掌  
明得地夫泰吉無不利不然响嶺峰頭神禹碑  
天基節上堂風磨劫石堅猶潤雪傲孤松韻轉青四  
海隆平煙浪靜斗南長見老人星  
臘八上堂入山不深見地不脫引得漆桶排頭妄想  
不歇寶林有箇見處只是不說何故臘月苦寒風雪  
吹急急抽身早是遲

上堂僧問雪覆千山因其孤峰不白師云消得龍王  
多少風僧云大小虛堂今日失利師云手臂終不  
向外曲僧云普化搖木鐸騰空而去未審向甚麼處

龍王多氣

去師云三九七七僧云畢竟向甚麼處去師云咬人屎概不是好狗僧云學人今日小出大遇便禮拜師云窮鬼子

乃舉百丈因僧問如何是奇特事丈云獨坐大雄峰僧禮拜丈便打師云百丈故是大機大用若非劍手相酬幾乎落節

除夜小叅僧問舊歲送不去新年迎不來新舊本無情去來誰可擬師云門前石敢當僧云只如舊歲已去新歲已來衲僧家還有不被寒暑所遷底麼師云有僧云那箇是不遷底師云塔下雪師子僧云依舊跳不出師云蒼蒼天蒼天

抄云...必有案...石敢當...  
像埋於地名曰石敢言衆人以目見云...類集...敢當人名也

乃云寒暑不到處露柱證明歲月無改遷道人眼活所以一年有三百六十日從年頭數到年尾未嘗一日不作一日用今日正當臘月三十夜將謂寒灰發酸枯木重榮及乎子細思量元來前頭大有雪在寶林與麼告報自知道窮厮煎餓厮炒無可與諸人做箇開熱子何故曾經霜雪苦揚花落也驚復舉北禪歲除示衆年窮歲盡無可與諸人分歲真一頭露地白牛炊黍米飯煮野菜羹燒椹拙火唱村田樂兔兒倚他門戶傍他牆便下座時有僧出云和尚宰牛因甚不納筋角北禪拋下帽子僧拈起云天寒還和尚帽子師云蕭韶九成鳳凰來儀

上堂每日蒲團上妄想無你插手處以致奔南走北  
如鷓鴣吞螺螄山僧今日不動聲氣教你諸人有箇入  
處良久拍手云一半入得一半入不得

上堂舉龐居士舜藥山山命十禪客送至門前士指  
空中雪云好雪片片不落別處時有全禪客云落在  
甚麼處士便與一掌全云居士且莫草草士云恁麼  
稱禪客闍老子未放你在全云居士作麼生士又與  
一掌師云雖則是兩掌其間有擡有搦有取有放  
小師設供上堂舉章敬因小師遊方回敬云汝離此  
間多少時僧云已經八載敬云作得箇甚麼僧就地  
上畫一圓相敬云此外莫更有麼僧近前畫破圓相

作禮而退師云嚴師出好弟子二林養子不及父母  
只教伊供養大衆不必呈見解何故恐薄禮致怨

上堂僧問靈雲見桃花悟去學人每日也見一枝兩  
枝因甚不悟師云含血噴人先汗其口僧云為甚玄  
沙不肯他師云他是他屋裏人僧云學人到者裏大  
似胡孫咬生鐵師云你莫只管上頭上面僧云也要  
和向委悉

師乃舉雲門問首座山河大地與自己是同是別座  
云同門云一切物命飛蛾蟻子與自己是同是別座  
云同門云好好借問何得干戈相待師云雲門易見  
首座難見何故蓋他不坐在無憂異之鄉所以曰同

智者和尚至上堂浴餅裏深洗古檮下修身彼此寸  
長尺短何妨忝為切鄰相見又無事不來深憶君杜  
鵲啼斷月如晝不似尋常空過春

結夏小叅此事如青天白日無一絲頭許為障為礙  
自是你諸人智眼不高隨在區宇故勞我竺軋大士  
立期立限對病與藥以為中下之機若是上流豈肯  
受你者般茶飯况今夏恰恰一百二十日你諸人向  
甚處插手若無插手處則孤負竺軋大士若得箇插  
手處莫待期滿便請說看何故蓋老僧急欲明窓下  
安排

復舉首山示眾咄哉巧女兒攬梭不解織看他鬪鷄

明下安林

人水牛也不識咄哉拙郎君巧妙無人識打破鳳林  
關著靴水上立師云首山自謂得臨際正傳却作野  
狂鳴致令天下兒孫箇箇拖泥帶水

次日上堂舉應庵師祖昔日謝事當山寄夏淨明示  
眾三十三州七十僧驢腮馬頰得人憎諸方若具羅  
籠手今日無因到淨明師云想見當時龍象拙孫福  
短不敢貶剥諸方只多得幾州子暗地裏賽他何故  
卓主丈勸若不用我荆棘後代兒孫惹著衣

上堂舉肅宗皇帝問忠國師百年後所需何物國師  
云為老僧造箇無縫塔帝云請師塔樣國師良久云  
會慶帝云不會國師云吾有付法弟子耽源却諳此

文輝塔

重國師遷化後帝詔耽源問之源云湘之南潭之北  
 中有黃金充一國無影樹下合周缸琉璃殿上無知  
 識師云肅宗當時若向國師良久處下得一喝免致  
 耽源墮坑落壑要見無縫塔麼卓主文勸君盡此一  
 盃酒西出陽關無故人  
 上堂僧問參須實參悟須實悟作麼生是實參師云  
 歷歷寂寂僧云長期已過半猶如冷水浸冬瓜和尚  
 有何方便師云精精靈靈僧云趙州示僧洗鉢盂去  
 其僧便悟此意如何師云燒錢引鬼僧云我等喫粥  
 了也洗鉢盂了也為甚不悟師云甜瓜徹蒂甜僧禮  
 拜師云果然

乃舉鹽官一日喚侍者將犀牛扇子來侍云已破也  
 官云扇子既破還我犀牛兒來侍無對師云鹽官恐  
 侍者不在二林扇子暑月要用不必有勞侍者若具  
 犀牛兒輸與國師  
 上堂二林初無門戶與人近傍亦不置之於無何有  
 之鄉只要諸人如鐵入土與土俱化然後可以發越  
 其如運糞入者吾未如之何  
 上堂僧問法身病色身不安色身病法身不安作麼  
 生免得師云口上著僧云色身病故有之法身作麼  
 生病師云他病最苦僧云大似維摩老子以代眾生  
 師云你識他未盡德云莫是佛手遮不得人心似等

快

閑師云撥波求水僧云畢竟如何師云待你鼻孔無  
 氣却向汝道僧便唱師云怕死漢  
 乃云水牯子數白來不悅水草蓋牧之無功也若言  
 一田入草去暮鼻拽將來此又未是牧牛之法且作  
 麼生牧擊禪床云叱叱叱者畜生  
 建鳳林庫上堂鳳非竹實而不食非醴泉而不飲因  
 甚却在叔橋村卓主丈有林自是真樓處風淡惟聞  
 靜夜鳴  
 上堂舉雲門因僧問佛法如水中月是否門云清波  
 無透路師云雲峰道雲門禪如九轉透餅丹若果是  
 恐未是

上堂諸方朝呪暮呪要塊你做羹飯主我者裏亦狗  
 不願生天你若向無人行處尋得一條路子蕩蕩地  
 臨機自由自在便是我同流

解夏小參僧問初秋夏末衲僧家氣宇如王離却雙  
 林途中如何受用師云踏著爛如泥僧云只者莫便  
 是途中受用底麼師云南辰北斗僧云領師以拂子  
 一指僧禮拜

師乃云一夏伽藍地上行未嘗敢重步踏著常住一  
 片覲來朝期滿合作麼生賞勞若從首座板頭數到  
 聖僧侍者普請與之猶恐諸人以謂山僧不分緇素  
 更若較其重輕以目山僧惠心不普作麼得相當去

所以道重賞之下必有勇士重賞則故不辭阿那箇是勇士驀拈主丈指云是你

復舉黃檗因臨際半夏上山問訊見檗看經際云我將謂是箇人元來是淹黑豆老僧住數日乃辭檗云汝破夏來何不終夏去際云暫來禮拜檗便打令其去際行數里疑其事再回終夏師云黃檗當時若大機大用死盡臨際偷心今日子孫未致尾巴焦黃檗林莫有再來終夏底麼喝一喝

上堂僧問世界與麼廣闊因甚聞鐘聲披七條師云水淺無魚徒勞下釣僧云長期已過了中間事作麼生師云一向收拾不來僧云鐘樓上念讚床脚下種

葉明甚麼邊事師云刮皮見骨僧云勝首座道猛虎當路坐鬻師云乞兒席袋

乃舉鷄鳴丑愁見起來還漏過裙子偏衫箇也無袈裟形相此此有棍無腰袴無口頭上青灰三五斗指望修行利濟人誰知翻成不唧留師云趙州新婦面上添笑靨又向繡幕裏行只是少得人見

運庵先師忌拈香老和尚死去二十五年有誰撲門

挂戶雖與松源同日行不會松源三轉語父子背馳

面不相覩直至如今成莽鹵露冷風高秋意深以矣無心薦藜藜

中秋上堂僧問靈山話月曹溪指月意旨如何師云

趙州新婦

連庵忌香

靈山話月曹溪指

中秋上堂僧問

欺胡謾漢僧云謝三郎有甚麼過師云誣人之罪僧云恁麼則天上月圓人間月半師云老鴉啄蠅僧打圓相云者箇作麼生明師云明之則瞎僧云謝師指示師云屢生子

乃云華亭滿船猶不足南泉驟步踏不著自餘眼底紛紛揆道見月忘指卓主文月齋

上堂僧問仰山謂香嚴云如來禪許師兄會祖師禪未夢見在此意如何師云蛇入竹筒僧云仰山平白受屈師云和你脫不得僧云作麼生是如來禪師云鐵壁鐵壁僧云如何是祖師禪師云楚甸雲寒越山風暖僧云如何是和尚禪師云你是顛耶任取僧云

學人從此不問話師云更須勘過

乃舉大原亭上座初參雪峰跨門纔見雪峰便參主事次日却來禮拜云昨日觸忤和尚峰云知是般事便休師云盡謂雪峰有陷虎之機無斬蛟之術殊不知養子之緣寬而有恕

重九上堂僧問理不逐事變事不逐理遷九九之日為甚搥鼓陞堂師云理事拘他不得僧云他是甚麼人師云頭輕尾重脚邏沙僧云錯指示人了也師云山僧年滿僧云汾陽道重陽九日菊花新此意如何師云我無隔水犀自然塵不染僧云汾陽今日落節師云那裏見汾陽僧便喝師云支不射宿



乃云採菊東籬下悠然見南山陶詩節雖是箇俗人却有些衲僧說話雖然他是晉時人未可全信開爐謝首座上堂僧問趙州道我喚作火你不得喚作火此意如何師云撓鈎搭索僧云今日得見趙州師云你會他東壁挂葫蘆麼僧云也是家常茶飯師云互鄉童子

乃云霜風戒曉黃葉堆雲如我門庭一般冷落有底道老子尋常多是鬪貧不鬪富山僧以謂不然何故但得板頭有人自然暖氣相洽

達磨第二忌拈香葱嶺不見宋雲全身豈在熊耳石火電光殊莫擬雙擣掌上再相逢究竟何曾缺兩齒

雪際傳心篩灰厭鬼後代兒孫誰采你麈尾淡飯當殷勤四海香風從此起

上堂僧問布袋長生落魄盤山猪肉案頭觀音手裏魚籃木士門推拍板者一絡索到虛堂面前時如何

師云蘇嚧蘇嚧僧云轉九夫為賢聖抑賢聖為九夫則不無和尚師云家狗咬人僧云布袋向開裏打開

件件拈起云者者此意如何師云不勘自敗僧云且道與門推拍板相去多少師云窮餓相煎僧云手裏

魚籃則不問猪肉案頭事作麼生師云地獄門前鬼脫卵僧云不伸此問差過一生師便喝

乃舉羅山初參弟頭便問起滅不待時如何頭云咄

迷一息

盤山云一  
既音魚籃

鬼悅印

公不傳

松源三轉語

總是走作底

一夜

是誰起滅山語然大悟師云高頭雖則見孔著楔累他羅山坐在起滅不傳處


上堂僧問若論戰也箇箇力在轉處此意如何師云猶是死法僧云作麼生是活法師云逆風張帆僧云

二林今日自納敗闕師云年老成精僧云太力量人因甚擡脚不起師云師子咬人韓獪逐塊僧云開口

因甚不在舌頭上師云抱賊叫屈僧云明眼衲僧因甚脚跟下紅絲線不斷師云貪多嚼不細僧云昔日

松源今朝和尚師云牢記取乃云此事甚易因走作反以為難何處是走作眼見

耳聞是走作鼻嗅舌嗜是走作運奔執提是走作覺



觸攀緣是走作以至舉心動念參禪問道穿鑿古今

是非人我悉是走作只有一處不走作難以說向諸

人若說和者不走作底一時走作了也冬至小參僧問黑豆未芽時如何師云黑鱗皴地僧

云芽後如何師云黑鱗皴地僧云若與麼有甚分曉師云向無分

曉處識取黑鱗皴地僧云學人今夜白衣拜相便禮拜復有僧出問如何是冬來事古德道京師出太黃

此意如何師云短處求長僧云忽有人問和尚冬來事齋師云雪後添衣定是寒僧云元來古德猶在師云汝是安根山

乃云葭灰未動律管先知，共去明來未嘗遷謝。所以衲僧家就理就事，順水流舟，殊不知無陰陽地，荆棘叅夫有契券，邊蒺藜滿地，致使春生夏長之徒，卒難近傍。二林放過一著，曲為今時。

復舉瀉山問仰山，仲冬嚴寒，年年事，卧運推移事，若何仰山近前叉手而立，瀉云誠知子答者話，不得香嚴至瀉舉前話，嚴云某甲偏答得者話，瀉復舉嚴亦近前叉手而立，瀉云賴遇寂子，不會師云瀉山若無後語，儘自包裹得去，其柰用處太過，以致檢索俱露。上堂謝秉拂僧問智與師齊戒師半德智過於師，方堪傳授，那箇智過於師，師云忽去忽來，坐斷今古僧。

云學人瞻仰有分，師云合取狗口。僧云若與麻首座，藏主遂成虛設。師云不是苦心人，不知僧云却較此子便禮拜。師云急抽頭是好手。

乃云深山大澤象龍之所，雷霆變化在乎一時之間。草木自然光潤，檇林之下莫有此瑞。麼卓主丈疑殺，闍梨。

上堂僧問天欲雪而未雪，梅欲花而未花，好箇西來意，無人共出家。師云掩耳偷鈴，僧云和尚多是成禱學人。師云老僧向你道甚麼，僧云當面蹉過。師云座上無老僧，目前無闍梨。僧云莫向夾山背後叉手。師云老僧被你靠住。

乃云明明向汝道得不得不得得自是諸人雙  
眼清寒坐在無事甲裏直饒彌勒即今下生塊三頭  
六臂也救你不得

臘八上堂僧問釋迦老子棄金輪寶位雪山苦行六  
年於臘月八夜忽覩明星悟去還端的也無師云令  
人長憶李將軍僧云後來說一歲葛藤牽枝引蔓拋  
屎撒尿至今未已師云師子身中虫僧擲下坐具云  
未見明星時還有者箇消息也無師云把髻授衙  
乃卓主丈云是則是窮則變變則通只如三更半夜  
衆星朗然不知是見那箇星悟去急急出來下一轉  
語蓋覆者老子不然毋貽後悔靠主丈

華嚴和尚至上堂僧問我手何似佛手師云老婦顰  
眉出醜僧云我脚何似驢脚師云曾踏趙州涼約僧  
云人人有箇生緣如何是學人生緣師云懶向人前  
拔茹樹要去南川作化主僧禮拜  
師乃云我本無心有所希求今此寶藏自然而至二  
林小衆枯枯燥燥鶴望多時珊瑚枕明月珠從便採  
取只是不得觸諱

上堂傳大士本相現引得一地裏人前廊後架拋尿  
撒屎謂之龍華勝會不知當來所證果有此否不然  
卓主丈青山綠水短棹孤舟  
慈雲和尚至上堂僧問路逢道伴交肩過一生參學

事畢時如何師云鴉鳩樹上啼僧云也恐和尚見古  
人未盡師云同道久僧云知後如何師云布袋盛  
錐快者先出

乃云去住無心卷舒有則布之則彌於六合未合猶  
窄置之則斂於一毫一毫猶寬為彼羣生從何而起  
卓主丈飛過帝鄉去遠接南山陰

上堂舉風穴因僧問語默涉離微如何通不犯穴云  
長憶江南三月裏鷓鴣啼處百花香師云風穴破關  
受敵不知蹉過者僧二林有僧出問拈主丈便打  
上堂舉趙州因僧問一物不將來時如何州云放下  
著僧云一物不將來放下箇甚麼州云放下下擔將

去師云趙州向者僧痛處下一針不妨奇特只是病  
入膏肓難以發藥

上堂明明道不在言語上何必用三寸舌頭帶將出  
來會得桐花落地春將半不然杜宇催歸月過三

上堂舉百丈普請鉏地次有一僧舉起鉏頭忽聞鼓  
聲乃拋下大笑便歸丈云俊哉此是觀音入理之門

歸院乃喚僧問適來見箇甚麼道理便與麼僧云適  
來肚飢聞鼓聲歸喫飯去丈乃大笑師云百丈當面

被者僧謾若是二林誰管你口款未招便與爾曾一  
踏只如百丈笑者僧笑還有優劣也無

西白和尚至上堂僧問三日不說著口邊生白醜學

白道道人  
自教問單一七年

人出去四十餘日作麼生師云待你口邊出青草却  
向汝道僧云低聲低聲牆壁有耳師云也要大家知  
僧云只如口邊出青草底人還有方便也無師云大  
有方便僧云那裏是他方便處師云一任牛馬踏  
僧云學人不會

師乃云風穴破屋數間單丁者七年後為臨際正續  
西白道人即斯人也深雲古木雙眼清寒大音希聲  
豈同常調

佛生日上堂僧問鐵壁鐵壁號之曰佛常在苦海中  
立只如今白降生底是苦海中立底是師云二俱不  
是僧云天上天下唯我獨尊誓師云脫却龍頭卸角

馱僧云恁麼則三尺一丈六且同携手歸師云你道

他有幾莖蓋膽毛僧便喝師亦喝

乃卓主丈云看看九龍吐水灌沐金軀紫毫相光無

幽不燭直得嘉禾老比丘跛却一足走到廣南光泰

寺裏有口也讚嘆不及何故物見主眼卓豎

結夏上堂登山須到頂涉海須到底到頂則知宇宙

之寬廓到底則知大海之淺深故我釋迦老子以九

夏之月剋期取證而欲法中龍象知其山之高海之

深也苟或飽食安眠畧無知愧是大罪人莫言不道

上堂僧問結夏已半月衲僧家牙如劍樹口似血盆

還透得虛堂一句子也無師云老僧不曾殺生害命

僧云和尚太煞慈悲師云墻間易飢飽僧云有一人常在途中不離家舍有一人常在家舍不離途中且道那一人合受人夫供養師云水也消他一河不得僧云因甚如此師云蓋他在布袋裏轉轉僧禮拜師乃舉雪峰一日敲觀和尚門觀云誰峰云鳳凰兒觀云作甚麼峰云唱老觀觀便開門揖住云道道峰擬議被觀推出雪峰住後云我當時若入得老觀門你若一隊啗酒糟漢向甚處摸捺師云雪峰擬議老觀推出若較其錙銖則固有重輕不知雪峰當時合下得甚麼語可以入得老觀門上堂舉五祖道諸莊不收不以爲憂百數衲子無一

遠和尚遺書

洞山遷化愚癡齋

箇透得狗子佛性話誠以爲憂師云五祖大似破關中收圖書

承天短蓬遠和尚遺書至上堂僧問昔本不離此今朝亦不來且道承天老子向甚麼處去師云趕人不趕上僧云莫是向不生不滅處去麼師云你莫要撩撥者氣鼓老僧僧云他觸著便三毒起師云多少人仰望不及僧云洞山遷化設愚癡齋承天遷化有何分付師云有分付僧云有甚分付師云做甚近前退後牢記話頭僧云也是不惜口業漢師乃云遠之莫及故曰短蹤之不即故曰蓬波波浪西西東東直釣已掛雙峨碧一梳香散蘆花風

解夏少衆僧問衲僧家四月十五結他不得六月十  
五解他不得畢竟向甚處安身立命師云針鋒頭上  
翻筋斗僧云得與麼自由自在師云你莫向石火籠  
裏反眼僧云可謂一夏不虛度光陰師云刀鋒之利  
僧云前程忽有人問和尚今夏將何示人師云多添  
少減僧云三世諸佛也理會不得師云山僧更是理  
會不得僧云和尚今夜盡情說與學人了也便禮拜  
師乃拈拄杖云便與麼去早是節外生枝更若較短  
論長何啻崖州萬里所以道太陽門下日日三秋明  
月堂前時時九夏何用刻舟尋劍緣未求魚西天此  
土佛法平沉末代比丘全無慚愧說甚正因二字言

薦賞勞古人不解隨機二林只圖實效然雖如是且  
道七佛行處因甚寸草不生快出來下一轉語以補

九夏闕疑卓主文

復舉南泉歸宗麻谷同往禮拜忠國師泉至路盡一  
圓相云道得即去歸宗於圓相內坐麻谷作女人拜  
泉云恁麼則不去也宗云是甚麼心行師云王老師  
既被人道破未為好手麻谷作女人拜見得國師  
次日上堂一夏味嘗不與諸人朝思暮想今朝期滿  
驀忽相應方知山是山水是水向來豈不知是山  
水是水今日方知道山是山水是水汝若不信三十  
年後自有人知



上堂謝執事松有操則歲寒不凋竹有節則虚心澹  
靜衲子勇於義可以表率叢林游刃事海自然左右  
逢其原

中秋上堂以主丈打一圓相云裏面有一株樹名之  
曰娑婆樹下有一兔長時搗藥尋常見得不甚真惟  
有今宵極是分曉諸人還見麼卓主丈見之則不妄  
擡眸不然則明不如暗

上堂舉馬祖因百丈再參祖以自視禪床角拂子丈  
云即此用離此用祖云你向後開兩片皮將何爲人  
丈取拂子豎起祖云即此用離此用丈掛拂子舊處  
祖震威一喝丈云我直得三日耳聾師云豈止乎百

丈三日耳聾直使盡天下人聽事不真喚鐘作杵瓦方  
契馬師

上堂舉汾陽無業國師示衆若有一毫聖九情念未  
盡未免入驢胎馬腹白雲又道直饒一毫聖九情念  
頓盡亦未免入驢胎馬腹師云二大老向無心中撰  
出一場口面卓主丈近日王令稍嚴

開爐上堂箇裏無峻機妙用與人湊泊老來畏寒只  
要說此火爐頭話且道火爐頭說甚麼話恐冷灰豆  
爆彈破諸人鼻孔

達磨第三忌拈香十萬里水雲蹤跡七百年西竺陳  
人眼瞞烏律卒面子黑鱗皴傳衣付法惹起埃塵如

今紅紫亂朱紛然而出豈止乎少林五葉一花之春  
斯臨遠諱薦此溪蘋萬古千秋果子孫

上堂一出數日所至溪山風物歷歷在目歸來榻鼓

陞堂從頭又舉一遍會麼眼力到處不被人護

冬至小然一氣順昇百昌萌動是時人知有還知有

不知有者不被寒暑推遷不逐四時消長靜而善應

卓爾不羣若謂尺一眉毛領下生此又是見他未盡

山僧尋常口似磑盤未嘗容易與人道破你若見得

分曉黑豆生芽繡紋添線也是尋常時節且道今夜

還來喫果子否卓主丈嚼飯餵嬰兒

復舉五祖因僧問如何是道祖云始平郡僧又問如

何是道中人祖云赤心爲主師云五祖恐者僧信根  
未深囑之又囑且道節文在其麼處返源河壁素華  
須是其人

上堂謝秉拂此拂子過如吹毛劍善用者坐致太平

不善用者傷鋒犯手二林莫有出厩良駒不勞鞭影

底麼擲下拂子看看

上堂僧問雲門因僧問不起一念還有過也無門云

須彌山此意如何師云寶鑑得金僧云和尚平生凌

辱古人今日因甚全肯雲門師云冷處著把火僧云

學人一生在外奔波還有過也無師云秤推落井僧

云許多施利歸常住因甚全無弟子功勞師云莫來

掩彩我

乃云盡其機用只作一句布施謂人良久卓王丈大海若知足百川應倒流

臘八上堂僧問枯木倚寒崑三冬無暖氣此意如何師云牙根不濕水僧云婆子因甚燒却庵師云爭交

賭籌僧云和尚也不得胡亂穿鑿古人公案師云非子不委僧云老胡今日成道有何祥瑞師云山深雪

未消僧云諾諾師以拂一指

乃云釋迦老子雪山六年功成行滿到臘月八夜討得一條路子與後人行若謂他見明星悟去已是諍

談未息

上堂僧問馬祖因龐居士問不與萬法為侶者是甚麼人此意如何師云乞兒弄飯碗僧云只如馬大師道待汝一口吸盡西江水却向汝道齊師云劈腹刺心僧云且道龐老子與此一問是會了問不會了問師云會了問僧云既是會了問何必悟去師云不悟爭得會僧云人夫衆前豈無方便師云踏泥漢乃云自家田地不肯從實履踐只要冒姓佃官田還知二祖對達磨禮三拜依位而立麼

除夜小參僧問年窮歲逼烏龜上壁豈不是和尚語師云只得自傷己命僧云忽然眾中有箇通方作者冷笑一聲老師未免面熱汗下師云你更近前驗我

看僧道前云了師云果然  
乃云云白日東上日日日西沉無為無事者子細好  
推尋既是無為無事又推尋箇甚麼若推尋佛法要  
妙每自起來呵奴使婢說東道西無非在他影子裏  
若推尋舊歲未去新歲未來東村王老夜燒錢野鬼  
閑神俱飽足者裏又無你插嘴處畢竟如何擊拂子  
一年三百六十日斷斷月建寅為首  
復舉晦堂因看如何是多福一叢竹一莖兩莖斜學  
人不會三莖四莖曲蕩然契悟師云往往多是知竹  
而不知多福知多福而不知竹有人緇素得出許你  
親見晦堂

使府陞座回上堂僧問毗耶城裏說法雙檣樹下談  
玄如何是不動尊師云東走西走僧云既是不動尊  
為甚麼東走西走師云癡人面前不得說夢僧云莫  
是動則不動不動則動麼師云寶所在近更進一步  
僧云忽然將動與不動一時照向無生國裏却問如  
何是不動尊師云東走西走僧云和尚也只救得一  
半師云信根者少

乃云或指或掌無非是太平戈矛二林莫有捷徑麼  
卓主丈兔子何曾離得窟  
元霄上堂僧問香林因僧問如何是室內一椀燈林  
云三人證龜成鱉意旨如何師云奴見婢殷勤僧云

學人禮謝去也師云承虛接響

乃云以火續燈名蓋以燈續火為夜晝夜相續燈燈

無盡蓋然黑地裏撞著露柱怪得阿誰

妙勝和尚至上堂僧問雪峰見僧來叅低頭歸庵此

意如何師云誰知席帽下有此昔愁人僧云未審二

林見僧作麼生接師云把手拽不入

乃云洪波深處赤立妙不資於一毫香積世界截用

勝不盈於一握如是則坦夷處巖嶮木訥處難酬且

道此是何人卓主丈

上堂僧問二月已過三月已來桃花李花零亂桑條

柳條成陰不涉萬緣如何顧鑑師云不覺日又夜爭

教人少年僧云和尚豈無方便師云生薑終不改辣

僧云有一人十二時中不依倚一物時如何師云鶻

臭布衫須脫却僧云既不依倚一物又脫箇甚麼師

云細嚼難飢

乃舉大龍因僧問色身敗壞如何是堅固法身龍云

山花開似錦澗水湛如藍師云若是堅固法身也苦

地在有問雲黃只對他道垢面漢我二十年做長老

禾嘗與人過話

上堂舉烏白因玄紹二上座來叅曰問近離甚處僧

云江西曰便打僧云也知和尚此機要曰云你既

不會第一禪客近前來僧擬議曰打師云二僧見

烏山如登龍

結見小叅僧問布袋長年開市觀音終日魚籃禁足  
 安居當圖何事師云擊筒方本響僧云與麼則深密  
 處足可觀光師云差之毫釐僧云和尚若處辛辣學  
 人如何湊泊師云向無湊泊處領取  
 乃拈拄杖云舉一車則迷理措一機則失用衲僧家  
 智游象外妙入環中猶是家常茶飯無端被釋迦老  
 子以無絲線繫却脚跟直得東西南北去路無從於  
 是九十日內如守古塚鬼謂之禁足安居剋期取證  
 亦未知所證者何事暮然有箇不顧危亡底掀翻圓  
 覺伽藍毀罵平等性智山僧只得退身有分何故卓

主丈老不以筋力為能

復舉雪峰示眾盡大地撮來如粟粒拋向面前添桶  
 不會打鼓普請看師云雪老當時與麼殊不知有今  
 日二林今夏亦教諸人密密地與麼但不必普請更  
 若不會你自孤負雪峰於虛堂初無干與  
 次日上堂諸方以期取效時刻不忘我者裏山邊水  
 邊從便走作何故擊拂子棄細錄天以待知己  
 上堂僧問臨際會下兩堂首座相見齊下一喝此意  
 如何師云闔負不闔富僧云有僧問此兩喝還有賓  
 主也無際云賓主歷然又作麼生師云隻手遮日僧  
 云一林頭首峻機妙用眾眼難護還與者兩喝是同

是別師云你自欺他看僧云人天衆前也蓋覆伊不  
得師云你道那箇賓那箇主僧云唱師云脫身鬼子  
乃云師子嘯呻象王回顧此猶是齊眉共躡要見跨  
釜之作麼堅起拂子新羅人過海  
上堂僧問有一句子到你拔舌犁耕無一句子到你  
自招殃禍明甚麼邊事師云彼此出家兒僧云和尚  
把定封疆不通水泄師云不是少林客  
乃舉仰山參東寺纔跨門寺云已相見了不用上來  
仰云與麼相見莫不得麼寺便歸方丈閉却門仰山  
歸舉似瀉山瀉云子是甚麼心行仰云若不與麼爭  
識得伊師云東寺便歸方丈千古措模仰山舉似瀉

山因邪打正

上堂僧問劉鐵磨訪瀉山山云老特牛汝來也此意  
如何師云一箭中紅心僧云劉鐵磨云來日臺山大  
會齋山作卧勢磨便出嚮師云果然僧云可謂二俱  
作家師云誇斯經故獲罪如是僧禮拜  
乃云師曠之聰南婁之明因甚有眼終日不見鼻孔  
下得一轉語合得老僧樹下塚間許你妄想不然老  
胡失望  
上堂僧問久雨不晴時如何師云逢庚則變僧云久  
雨忽晴時如何師云處處可以晒眼皮草僧云與麼  
答話諸方未肯在師云割雞之又僧云二祖禮三拜

念松村家

依位而立師云呈漆器僧云達汝得吾龍師云  
覆水難收僧云學人纔見和尚陰堂便出禮拜得箇  
甚麼師云他時不得退款僧云且喜水米無交師云  
早是退款了也僧便喝師亦喝  
乃云山僧尋常不曾抑逼人只教退步措磨但得心  
死意消一番子自然不胡亂拈匙放筋不然盡是念  
話杜家

上堂舉洛浦因龐居士來參禮拜起云仲夏毒熱孟  
冬薄寒浦云莫錯士云龐公年老浦云何不寒便道  
寒熱便道熱士云患聾作麼浦云放你三十棒士云  
啞却我口塞却你耳師云洛浦當時若向龐公年老

處下得一喝免得彼此葛藤

上堂僧問熱時寒向甚麼處去師云你抓著我痒處  
僧云寒時熱向甚麼處去師云乾籬頭上覓甚麼汁  
僧云不涉寒暑底人在甚麼處師云開市裏尋取僧  
云尋得後如何師云出三界二十五有僧云也未是  
極則師云作麼生是極則僧便喝師云也未是極則  
乃舉天童啓和尚因僧問學人卓卓上來請師的的  
啓云我者裏一侷便了說甚麼卓卓的的僧云和尚  
與麼答話更買草鞋行脚啓云近前來僧近前啓云  
老僧與麼答話有甚麼過僧無語啓便打師云者僧  
喚院近前何不便與本分草鞋下句不嚴返被

出三身分三十五有



暗窺牆壁

解夏小參各各鼻背已脫秋風影裏擺尾搖頭老安  
雖則善能訪跡終竟難尋寂子只知樹下忘軀何曾  
解牧露迢迢雲山溢目飽勦勦野草連天不須短笛  
催歸千聖也無覓處暮然傳公子出來道汝等頭角  
之士九十日內託此擣陰未嘗有半蹄之功踏破我  
常住一塊泥埽何得如此快活山僧只得與他代一  
轉語

復舉德山托鉢公案師云德山如師子遊行百獸股  
栗豈頭假其威而陰風逼人後之來者捧土揚木  
上堂僧問大隋蓋龜時如何師云神照無此作僧云

因棲

初秋夏末衲子往來牢記取者一轉語舉似諸方師  
云苦哉

乃舉天台幽棲和尚一日鳴鐘上堂眾纔集棲云誰  
打鐘僧云維那棲云近前來僧近前棲遂與一掌歸  
方丈師云賤如泥沙貴如金璧當時若安詳登座活  
得者僧

中秋

中秋上堂僧問天上月圓人間月半是人知有未審  
中間樹子屬甚麼人師云有契券者得僧云恁麼則  
天香桂子落紛紛師云你且錯認了也僧云馬太師  
翫月次一人道正好供養一人道正好修行一人驟  
步便行此意如何師云一畝之地三蛇九鼠僧云馬

大師道經入藏禪歸海唯有世願超物外師云打  
驢聽馬知僧禮拜師噓一聲

乃云與白雙運鑑物無私自是暗中之人責父喪此  
夏蒼當此良夜眾星推遜之時可憐不見華真愛冷  
照海濤空渺瀰

上堂僧問望見資福刹竿便回脚跟下好與三十此  
意如何師云鼻肉來蠅僧云望見雪峰便參主事又  
作麼生師云何樓漆器休指出僧云望見寶林雙楊  
塔尖便悟去師云沙裏淘金僧云和尚也是年老心  
孤師云宣人之過未為好手  
乃舉欽山同嵩頭雪峰到德山乃問天皇也與麼道

應云明果六未至  
舉此公下雪黃拈德山令行一半若尺今行雪峯岩頭拈是涅槃堂東漢

龍潭也與麼道未審德山作麼生道德山云汝試舉  
天皇龍潭底看欽擬議德山便打遂至延壽云是則  
是打我太煞高頭云你與麼他後不得道見德山師  
云欽山只箇擬議德山高頭俱納敗闕若是龍明上  
客必為點頭其如聽響之流墮在區宇  
上堂九九之節謂之重陽陽德既剛元化以洽衲子  
分上明得甚麼邊事卓主文交

上堂一大藏教不出箇鴉鳴鵲噪九經諸史不出箇  
之平者也會得雲歸華嶽水到瀟湘不然有伴即來  
切須記取  
達磨第四忌拈香打一圓相天皇國主之子神光斷

今夜  
六字多

臂之師耽慈面背恐亦是伊兒系不必更懷疑故我  
連磨鼻祖圓覺大師濬發靈機有無之宗頓釋廓然  
無聖第一之義昭然前梁後魏人我相高此土西天  
是非競起丁茲末運遐想餘光列藻陳蔡甲酬慈蔭  
上堂舉南泉因兩堂首座爭猫兒泉云道得即不斬  
兩堂無語泉遂斬之趙州從外歸泉舉前話州脫草  
鞋安頭上出泉云子若在救得猫兒師云趙州借手  
拈香要與兩堂雪屈殊不知狸奴已死南泉手直至  
如今鼠子多

冬至小參陰魔沮伏暖氣未昇好箇衲僧消息若能  
直下承當不逐四時消長便見深山高崖人跡不到  
處爛葛藤抽枝引蔓其如未然且向舊曆日上點指  
頭子數過只如陰魔沮伏暖氣未昇是衲僧甚麼消  
息卓主丈魚行水濁鳥飛毛落

復舉瀉山向火次問仰山終日向火因甚無暖氣仰  
作向火勢瀉云子只得物體能所未在仰云某甲只  
如此和尚作麼生瀉亦作向火勢仰云和尚只得物  
體能所未在瀉云如是如是師云盡謂瀉仰父子兩  
口一舌殊不知風竊虎威能偃草水欺龍卧出前山  
除夜小參新底不知舊底已往舊底不知新底已來  
新舊不相知物物遠對偶衲僧家以為極則殊不知  
半夜三更蒲團上盤起脊梁誰知你漏箭推遷更點

未  
在

遲速猶被又喚你無轉智太王待兒如矮子看戲隨  
又上下雖然只知暖日生芳草那料春風暗著人  
復舉僧問雲門如何是雲門一曲門云臘月二十五  
師云雲門汗血功高惜乎放過了五日當時若道得  
箇恰好臘月三十夜者僧必有可觀今則既往不咎  
只得順時保養有問雲黃一曲只向他道半邊行雲  
元宵上堂世間之燈莫若心燈最明心燈一舉則毫  
芒剎海光明如晝其間不善別撥者雖有如無要見  
心燈麼卓主丈仰山開龕歸宗拽石

寶林語錄終

